

A2^r

Vorred zum läfer.

Als yetzūd die welt gefchickt ift/ kan ich wol gedencken/ vnd bey mir felbs erachten/ das fich vil leüt nit wenig verwüdern werden/ was mich verurfacht habe difes tröumbüch lin/ wie man nächtliche geficht vnd tröum vnderfcheyden/ außlegen vnd erklären foll/ zů fchreibē/ vnd was etwan von den alten/ funderlich dē trefflichen Philofopho Artemidoro/ durch fleiffige erforschūg vnd langwirige erfarniß gerecht vñ warhafft erfundē/ aber bißher (wie auch andere treffliche künfft) als veracht vnd ring gehalten/ verduncklet vnd verborgen bliben/ widerum herfür fůch vñ an tag bringe. Die felbigē aber werden jres verwüderns nachlaffen/ wa fey meines fürnemmens vnd des rechten grunds/ auß welchem ich bewegt/ eygentlich bericht werden.

Fürnemlich die weil niemands leügknen kan/ auch folchs von alter her/ yederman glaubt vnd warhafftig gehaltē/ das wir ein götliche mütmaffung vñ fürfehūg künfftiger ding in vns haben/ dardurch wir abnehmen mögen/ was vns künfftigs gūts oder böß widerfarē vñ zůhanden gon foll/ welche fürfehūg oder mütmaffung die alten eyn weiffagūg genāt habē/ ift ein groffe anzeygung das die menfchlich feel von dem höchften Gott erschaffen/ vnd mit götlichen gaben geziert ift/ dieweil allein dem menfchen gegeben vñ eingebildet ift künfftige ding (das allein dē allmechtigē Gott zů gehört) durch

A ij gewiffe

A2^v

Vorred.

gewisse vorgonde zeychen züerfahren. Es ist auch kein volck auff dē erbodē/ es sey wie wild/ vngfchlacht/ grausam vnd grim̄ es wöll/ das nit fechtiglich glaub vñ dafür halt/ das dem menschen zügebē sey/ d3 er weißagē/ vnd künfftige ding mütmaffen künd/ dan es haben vor vil jarē vñ zū aller erften die Affirier/ welche der göttlichen kunft des weißagens erste anfänger gwesen feind/ (die weil jr lādchafft fast eben/ weit vñ breyt w3/ auch des himels vmbkreyß vñ oberfte fleche allēthalben vñ uerhindert/ beschawet werden möcht) den lauff des gestirns/ Suñ/ Mon/ vnd gantzem himels wargenuñen/ vñ darauß die göttlich kunft der Aftronomy/ durch welche man einem yeden warhafftig anzeygen vñ erfahren mag/ was jm die zeit feins lebēs zūhanden gon/ vnd widerfahren wirt/ erfunden. Dife götliche kunft ist nach vielen jaren auch von den Egiptern auffgenuñen wordē. Es haben auch jre nachbauren die Cilicier vñ Pifide/ vñ die einwoner des lāds Pamphilie wargnuñen/ das man auß dē flug vñ gfang oder gschrey der vōgel/ künfftige ding abneñen vñ ermessen kan. Darüb auch die alten Griechen gar nichts angehaben oder gehädlet/ waly nit vorhin durch antwort der gōtter oder andere weißagung ein gewiffen bescheyd/ wie solchs vollendet wurde/ empfangen hettē. Deßgleichen auch Romulus der erft anfänger/ erbauwer vñ König der ftat Rom/ ist in difer kunft der weißagung fast geübt vñ erfarē gwesen/ als auch etlich andere König/ die jm in dē reich gefolgt haben. Deß halben vilerley weisen/ dardurch mā künfftig

A3^r

Vorred.

tige ding erlernen vnd erfahren kündt/ in der ftat Rom auffbracht/ vnd in groffen eeren vñ werdt gehalten worden feind/ welche fy von vil andern vólckern zúwegen bracht vñ gelernet haben/ vnder welchē die weiffagüg/ offenbarung vnd mútmaffung künfftiger ding/ die wir durch tróum vnd náchtliche geficht/ auch rechte erklä^rung vnd außlegüg erlernen/ vnd erfarē/ nit die ringelt gewefen ift/ auch der felbigen vil mer glaubēs gebē dan den andern/ dieweil fy ein gewiffen vnd fattern grund hat/ auch durch vil exempel/ lange erforschüg vnd auffmercküg/ allzeit warhafftig vñ gwiff erfunden worden ift/ als wir folches auch táglich erfarē/ oder bey den altē gefchichtfchreibern/ folche exempel mit gantzem fleiß befchriben findē/ derē wir etlich zú einer gwiffen zeügkniß anzeygē vñ erzólen wóllen. Dē König Tarquinio Superbo hat auff ein zeit tróumet/ wie ein Hirt zú jm kum̄/ vnd zwē fchöne wolgefalte Wider/ vō eim fchaaff geborē/ mit fich bring/ vñ er den fchónften daruon nach der weiß vñ gewóheyt der Heydē dē gótttern fchlachte vnd auffopffer/ Als er aber den anderē bey den hórnern hielt/ hat er jn mit einē ftoß hefftig verwüdet/ vō dē hórnern zú der erden geftoffen/ dz er auff den ruckē gefallen ift/ alfo hat er gfehen die fuñ vō der linckē gegē der rechten feiten mit jrem glantz vñ klarheyt jren lauff volbringen. Difer troum ift jm von den elftiten vñ weifeltē alfo außgelegt worden/ das er fich hût vnd wol fürfehe/ den felbigen nit veracht/ vnd für vnuernünfftig als ein vieh halt/ der mit weißheyt vñ fürfichtigkeyt begabt ift/ dar

A iij mit

A3^v

Vorred.

mit er nit von dem selbigen auß seinem reich veriaigt vñ verftoffen werde/ daß der widerwertig vnätürlich lauff der Soñen bedeüte dē Rōmifchen volck ein groffe verenderung/ aber zů glück vnd wolfart/ die weil die Soñ jren fchein vō der lincken gegen der rechten leitē gehabt hab im troum/ Das aber folchs gefchehen vnd ergāgen ift/ weyßt ein yeder wol der in der Rōmifchen Chronick oder gſchichtbüchern ein wenig belefen ift. Es ſchreibt auch Pōtius Heraclides ein trefflicher mañ vñ ein junger des groffen Philoſophi Platonis/ d3 d⁹ müter Phalaridis des graufamē Tyrañen vñ wüterichs getrōumet hab/ wie der abgot Mercurius ein ſchalē voll blüts/ die er in feiner rechtē hand hielt/ auff die erden goffen hab/ ſey alfo das ſelbig blüt auff der erden erwallet/ vnd alfo hefftig auffgequelt das d3 gantz hauß voll blüts worden ſey. Difer trou hat jhr on zweifel die graufam erfchrocklich/ vnd vnmēſchlich tirañey jres funs bedeüt/ welcher alle tirañen vnd wütrich in graufamkeyt vñ vnmenſchlicher blütdürftigkeit übertroffen hat. Alfo hat auch dē König Ciro trōumet/ wie er die Soñ zů vnderft an feinem beth ſehe/ vnd zum dritten mal nach jr greiff/ vñ ſy ſich aber als offt auß drāye/ vñ zů dē drittē mal gar verſchwind/ haben jhm die altē warfager ſolchen trou außgelegt vñ gedeüt/ d3 er noch xxx. jar leben vnd regieren werde/ welchs gefchehen daß er hat das ſibentzigft jar feins alters erreycht/ vnd war xl. jar alt als er zum reich kā/ Der gleichen exempel werdē auch vom Keyſer Auguſto beſchriben/ daß als er doch faft kranck mit ſeinem

hōr

A4^r

Vorred.

hör wider Brutum vnd Caffium den todt des Keyfers
 Julij zû rechen im Philippiſchen feld lage/ hatt feinē ar
 tzet trôumet/ Artorius genant/ wie jm die Götting Mi-
 nerua erfchin/ vñ jm befelch geb/ dem Keyfer Auguſto
 anzûfagen das er den folgē den tag nit auß der ſchlacht
 bleib/ als ſolchs der Keyfer Auguſtus vernam/ hat er
 ſich vornē an die ſpitz des hōrs fürē laffen/ als er daſelbft
 hoffnung was/ den ſig zû erlangen/ hat Brutus das lã-
 ger Auguſti eingenūmen/ Alfo iſt d⁹ Keyfer Auguſtus
 auß verhengniß Gottes der tyrañey vnd dē gewalt ent-
 gangen/ vnd durch dē troum gewarnet vñ erret wordē.
 Das er aber deſt ee dē troum feins artzets Artorij glau-
 ben geben vñ gefolget/ iſt ein vrfach gewefen/ das exem-
 pel/ das er von der Calphurnia feines vatters weib ge-
 hört hat/ welcher trôumet in der vordern nacht/ als Ju-
 lius erftochē ward/ des andern tags/ wie ſy jhn het hart
 verwundet in jhr ſchoß ligen/ des troums ſy faſt erfchro-
 cken/ vnd des morgens den Julium fleiffig gebetten/ dz
 er des ſelben tags nit zû rath gieng/ Aber damit er ſich
 nit ließ ein weibſchen trou erfchreckē/ gieng er in radt/
 vnd ward daſelbs mit vilen wūden jämmerlich erftochen.
 Es beſchreibt Cicero ein wunderbarliche hiſtori eines
 troums/ es ſeind zweē gefellē auß Arcadia mit eināder
 auß zogen/ oder über feld gāgen/ vnd gen Megarā die
 ftatt kumē/ daſelbft aber vō einander gefcheyden/ der
 ein zû feinē gütten freünd/ aber der ander in ein ſchlech-
 te tabern oder gaſthauß einkōret/ als mā nun nach dem
 nachteffen zû beth gieng/ vñ ſich yederman zur rûhe
 bageb/

A4^v

Vorred.

begab/ hat dem einen/ der zů feinē freünd einkõret hat/
trõumet/ wie jhn fein gefell anſchrye vmb hilff/ vñ wa er
nit bald auff wer/ vñ jn errettet/ würde jn fein würdt vñ
galthalter oder Tabernierer vñbringē. Als nun difer
folchs troums feer erfcrack/ ift er ſchnel auffgewücht/
als er aber ermüdert/ vermeynt er es wer nur ein geficht
oder fantafey/ hat ſich widerüb nider gelegt zů der rûh/
als bald hat jm widerüb trõumet/ wie fein gefell vor jm
ftäd/ jn bett vñ ermā/ hab er jm nit wöllē zů hilff kuñen/
vnd fein leben errettē/ foll er doch feinen todt nit vngero
chē laffen/ dañ fein würdt hab jn ermõrdt/ vñ in ein miſt
hauffen auff einen wagē geladē/ vergrabē/ darüb foll er
ſich auff machen/ vnd des morgens am thor auff folchen
miſtwagen warten/ vnd alfo feinē vnſchuldigen todt vñ
mordt anzeygē. Von difem troum ward er erft bewegt/
macht ſich auff/ gieng zů der porten/ vnnd erwücht den
wagē/ fragt den fürmañ w3 dariñ fteckt/ oder was er fû
ret/ daruon er erfcrack/ vnd hinweg flohe/ da ift der ent
leibt herfür zogen/ vnnd der würdt vmb den mordt ge
trafft vnd gericht worden. Der gleichen exempel wer
den vil von den gſchichtſchreibern oder hiſtoricis anzo
gen vnd beſchriben/ Darüb die Römer als vil auff diſe
weißagüg vñ eröffnüg künfftiger ding durch die trõum
vñ nãchtliche geficht gehaltē haben/ d3 gebottē ward/
alles das/ was einē funderlich trõumet/ das jn bedunckt
den gmeynē nutz antreffen/ folte für den oberftē radt ge
bracht werden. Es ift auch diſe weißagung künfftiger
ding vnferm Chriſtenlichen glauben in keinen weg ent
gegen

B1^r

Vorred.

gegen oder zûwider/ die weil folche trôum allein nûchtern vernünfftigen vñ weifen perfonen/ die nit mit speiß tranck/ allerley wolluft vñ üppigkeyt überladen feind/ fürkuñen/ dañ was folchen groben/ vnuerftendigen/ viñ hifchen leüten/ die on ordnüg vnd alle vernunfft/ wie dz vich jrem wolgefallen vnd gûtduncken nach/ in aller fülle vnd vnmäßigkeit leben/ von trôumē oder nâchtlichen gefichten fürkûpt/ ift nichts anders dañ ein gefpenft vnd fantaſey deren ding/ damit fy des tags vmbgöd vñ treiben/ welchs jnen dañ im ſchlaff alfo wider fürkûpt/ kan nichts darauß erfahren oder geurteylt werden/ dañ es trôumet auch den vnuernünfftigen thieren von folchen dingen/ die allein den leib antreffen. Die weil aber nun diſe kunft nicht allein die Heydnifch/ funder auch die götlich ſchrift warhaftig zeügt/ als wir deffelben nit weniger noch ringer exempel habē/ in heyliger vñ göttlicher ſchrift/ kan ich nit wilfen auß was vrfach diſe göttliche kûft/ welche die menſchlich natur übertrifft/ vō etlichen naßweifen vñ die faſt vil vff jr ftoltze weißheyte haltē/ getadelt wirt/ vnd zū teyl gantz vernicht vñ veracht/ auch für vngewiß/ falſch/ vnnd betrüglich gehalten/ dieweil doch gewiß ift/ wie folchs d^o trefflich/ glaubwürdig/ vnd warhaftt gſchichtſchreiber Trogus beſchreibt/ das der mañ Gottes Joſeph/ der ſun Jacobs/ diſe göttliche kûft erfichtlich erfunden hab/ vnd wie die heylig geſchrift felbs bezeugt/ in diſer kunft faſt geübt vnd erfarē gwefen ſey/ dañ als er auff ein zeit ſeinen brüdern erzölt/ w^z jm trôumet het/ namlich wie fy auff dem feld garben mit einander

B der

B1^v

Vorred.

der auffbunden/ aber jn bedunckte wie sich fein garb die er gebunden hett/ auffrichtet vnd ftünd/ aber feiner brüder garben sich vmbher buckten vnd neygten gegen feiner garben/ habē feine brüder bald auß difem troum gemerckt vnd gemütmaßt/ das er über fy herrfchē wurde/ darumb ein neid vnd feindschafft auff jn gefchlagen. Er hat aber noch einen andern troum/ den erzōlet er auch feinen brüdern/ vnd sprach/ Sehend ich hab noch einen troum gehabt/ mich bedunckte die Suñ vnd der Mon/ vnd eyloff fternen buckten sich vor mir/ vñ da dz feinē vatter vñ feinen brüdern gefagt ward/ ftrafft jn fein vatter/ vnd sprach zũ jm/ Was ift das für ein troum/ der dir trōumet hatt? foll ich/ vnd dein mütter/ vnd dein brüder kumen/ vnd für dich nider auff die erd fallen? vnd feine brüder neidetē jhn. Es begab sich aber/ nach dē er auß neid von feinen brüdern verkaufft ward/ in Egipten gefürt/ vnd dafelbft vnſchuldigklich vmb der gerechtigkeit willen in das gefengkniß/ mitſampt dem Schencken vnnd oberftē hoffbeckē des Königs zũ Egiptē gelegt ward/ das den ſelbigen beydē trōumet in der gefengkniß/ einē yegklichen ein funderer troum/ Erftlich dē Schencken/ wie ein weinftock vor jhm gewesen wer/ der het drey råben oder grüne zweig gehabt/ die wüchfen vnd blüeten/ vnd ward jre frucht zeitig/ vñ er het den bâcher des Königs Pharaons in feiner hand/ vnd zertruckte die treübel bôr darein/ vñ gabe dē König dē bâcher in die hādt. Difem hat Joſeph feinē troum alfo außgelegt/ nālich/ das die drey råben drey tag bedeütten ſolten/ das er der

gefengk

B2^r

Vorred.

gefengkniff entledigt wurd/ vñ wider von dem König
 Pharao in fein ampt gefetzt werden folt/ das er jhm den
 bächer in die handt geb/ nach der vorigen weiß/ dieweil
 er noch fein Schenck ware. Als aber der Beck hört/ das
 die bedeütüg difes troums güt w3/ fprach er zû Jofeph/
 mir hat auch tröumt/ wie ich drey kôrb voll gebachens
 brot auff meinem haupt trüge/ vñ mir die vögel darauß
 affend/ vñ die fpeiß hinweg trügē/ Jofeph antwort jm/
 vñ fprach/ dz ift die bedeütüg von den drey kôrben/ drey
 tag/ vñ nach drey tagen wirt Pharao dein haupt erhe-
 ben/ vnd dich an den liechtē galgen henckē/ vñ die vögel
 werdē dein fleyfch verzôren/ Vñ es gefchahe des dritten
 tags/ dz Pharao feinen jars tag begieng/ vñ den Schen-
 cken widerüb zû feinē ampt fetzet/ aber den Becken ließ
 erhencken. Der Schenck aber gedacht ftâtigs ahn den
 troum/ vnd wie jn jhm Jofeph auß gelegt hat. Vnd als
 nach zweyē jaren dē König Pharao tröumet ein trou/
 darab fein geyft betrübt ward/ vñ nach allē warlagern
 in Egipten fchicken ließ/ jm feinen troum außzûlegen/
 redet der Schenck mit Pharaon/ vnd erzôlet jm alle ge-
 fchicht/ wie Jofeph jhm vnd dē Becken jhre tröum auß
 gelegt het. Da fendet Pharao nach Jofeph/ vñ erzôlet
 jm feinē troum/ den jm funft niemāds vō den Egiptiern
 hat außlegen vnd deütten können. Darüb noch heütigs
 tags ein zäck zwifchē den Juden vñ den Heydē ift/ vmb
 die ehr/ von welchem theyl dife göttliche kunft erfunden
 fey/ dieweil folches die Juden dem Jofeph/ dem fun Ja-
 cob zûfchreiben/ auß zeügkniff der heiligen gefchriff/

B ij aber

B2^v

Vorred.

aber die Heyden dē Amphictione/ 7c. Das aber dife ge
wille/ warhafftige/ vñ götliche kunft/ von vnfern vorfa-
ren den elteften Juden vnd Heyden/ bey vns gar in ver-
achtung kummen ift/ acht ich/ hab fein vrfprüg/ vnd fey
daher erwachfen/ dieweil es nicht ein gering ding ift/ ein
yeden troum warhafftig außlegen vñ erklären/ auch nit
einē yeden folche tröum/ durch welche man treffliche zû
künfftige ding mûtmaffen vñ erachten kan/ fürkuñmen/
oder wie gefagt ift/ erfcheinē/ funder allein den heyligē/
Gotsförtigen/ weifen/ vnd redlichen leüten/ welche fich
der maßligkeyt vñ vernüfft in allen dingen gebrauchen/
den felbigen wirdt auß götlicher fchickūg durch die feel
(welche von art ein weißagerin ift) die ftätigs wachet/
zû oberft in der vernunfft vnd fiñ (ob fich gleich wol der
leib zû rūgē gebē hat/ vñ on alle entpfindtligkeit/ gleich
als ob er todt were/ ligt vñ rūwet) befchawet/ gleich wie
ein getreüwer vnnd forgfeltiger haußhalter/ was dem
menfchlichē cörper/ darein fy verſchloffen ift/ als in eim
hauß vnd wonūg/ für zufäll/ glück oder vnglück zûhan-
den gon mögen/ folches bildet fy der vernüfft ein/ durch
wunderbarliche figuren/ vnd feltzame gefaltten/ deren
ding die wir täglich vor augen fehē/ darmit wir vor den
böfen zufällen vnd vnglück gewarnet feyen/ vnd dz güt
mit verftand vnd klügheynt mögen erharren vñ auffnem-
men. Darüb dife kunft nit wenig nutz bringt wa fy recht
vnd gepürlich gebraucht wirt/ dan auch offtmals den
ärtzten in den tröumen (die fich hefftig beküñerten vnd
bemüheten/ vmb das heyl vñ gefundtheyt jrer kräcken)
für

B3^r

Vorred.

fürkummen ift/ was fy dem felbigen nutzlich vnnd ohn
 fchaden dar reychen möchten/ wie folchs Hippocrates
 vnd Galenus die fürnembften artzet/ die ye gewefen
 feind/ an vil orten bezeügen/ dañ die artzney hat ein fun
 derliche gmeynfchafft mit der weiffagūg/ die weil fy bey
 de von einē anfänger/ als die Heyden befchreiben/ nam
 lich dem Apolline erfunden feind. Es erlernt auch offtmals
 der artzet auß den tröumen des krancken/ die recht
 vrfach der kranckheytt/ on welche er funft dē kräcken nit
 helffen mag/ 7c. Auß difen vil erzölten vrfachen/ biñ ich
 fürnemlich bewegt worden/ dife götliche kũft nit lenger
 verduncket/ veracht/ vernicht/ verpott/ vnd gantz für
 vnwarhaftig gehalten werden/ d^o hoffnung/ es werd ein
 yeder rechtchaffner menfch/ der alle ding zũ dem beften
 kōret/ dife mein angewendte mūh jm nit mißfallen laß
 fen/ wa ich folchs fpüren vnd mercken wurde/ würd ich
 verurfacht werden/ auch andere ding/ die bißher
 verduncket/ vnd verborgen feind/ ye
 derman zũ nutz vnd gũt an
 tag zũgeben.

B iij Eyn

B3^v

Einleytung vnd vnderweifung der vr-
 fach vnd vrfprügs aller tröum vnd nächtlicher geficht/
 wie fy von den alten vnderfcheyden vñ ordenlich geteylt worden feind.
 Auch was von einē yeden außleger vnd erklärer der tröum vnd nächt-
 licher geficht/ dardurch er künfftige ding erfahren/ anzey-
 gen vnd offenbaren will/ ertlich betracht vnd
 war genūmen werden foll.

ES haben die alten Weiffager/
 Propheten/ erklärer vnd außleger der tröum
 vnd nächtlichen geficht/ welche dife götliche
 kunft auß langwiriger erfahrung/ fleiffiger er-
 forchung vnd nachtrachtung/ gewiß/ warhaftig vnd
 vnbetruglich befunden/ mit höchtem vñ größtem fleiß/
 alles das fo vns pflegt für zû kummen oder erfcheinen
 des nachts fo fich der leiblich cörper in der rûh begeben/
 aber die feel wachet/ bewegt vnd getriben wirt in alle
 ort des leibs/ den felbigen zûherrfchen vnd regieren/ dañ
 der leib on alle vernunfft vnd leibliche empfindtligkeyt
 ift im fchlaff/ aber die feel wachet allein/ erkeñt vnd ficht
 fichtbarlich/ horet/ geet/ greiff/ wirt betrûbt/ mercket
 auff/ in fomma fy verwaltet vnd treibt alle gepürliche
 werck des gemûts/ das wir gwonlich in gemeyner Teüt
 fcher fprach Tröum/ Geficht/ Erfcheinungen/ oder zû
 zeiten Gefpenft nennen.

Ertlich in zweyerley vnderfcheid ordenlich geteylt/
 als in tröum/ nächtliche geficht vnd fantaſeyen/ die da
 gegenwertige ding allein bedeüten/ vnnd vns deffen er-
 manen/

B4^r

in diß troum bûchlin.

manen/ das wir vorhin in vnferem fiñ vnd gedancken gefallet vn̄ verſchloffen haben/ als das dem bûler fürkûpt vnd fantaſiert/ wie er im fauß vnd freüden leb/ vnd fein aller liebſte bey ihm hab/ aber dem forchtſamen erſcheinet daſelbig das er fürchtet/ alfo dem hûgerigen wie er effe/ dem durftigen wie er trincke/ auch dem vollen/ wie er ſich erbrech vnd vnwill/ ſo die dunft von der ſpeiß beſchweret/ vnd überladen/ nit verriecken mögen. Durch ſolche trôum mag gar nichts künfftigs anzeygt oder erlernet werden/ dan̄ ſy vns allein ermanē (wie gſagt iſt) der ding ſo wir vorhin in vnfern ſinnen vnnd gedancken haben/ vnd treffen das gemût allein/ oder den leib allein oder ſy beyde/ leib vnd gemût miteinander an/ dan̄ das dem bûler fürkumpt/ wie er in freüden leb/ vnd fein lieb bey ihm habe/ trifft ſy beyde den leib vnd das gemût an. Aber ſich erbrechen/ ſchlaffen/ wider effen vnd trincken/ trifft allein den leib an/ Alfo auch fro fein/ oder betrûbt werden/ trifft allein das gemût an. Die lieblichē trôum haben jren vrfprûg eintweders auß mangel oder einem überfluß. Der ſeelen aber oder des gemûts vnd gedancken/ auß forcht od⁹ einer hoffnûg. Alle diſe trôum haben allein jhr bedeutûg im ſchlaff/ mit welchem ſy auch vergond vn̄ verſchwinden. Aber die rechtē trôum von welchen wir in̄ diſem bûchlin ſagen/ haben jr bedeutûg außferhalb des ſchlaffs/ ſo wir dardurch künfftige ding erfahren vn̄ mütmachen. Diſe werdē ertlich in zweyteyl vnder ſcheydē vn̄ geteylt/ In warhafftige geſicht/ alfo d³ vns ein ding fürkûpt/ ebē gleich in der maffen vn̄ geſtalt/ wie
es ge

B4^v

Einleytung

es geschehen soll. Als auff ein zeit einē im schlaff für kam vnd tröumet/ der auff einē schiff was/ wie er waffers nôt durch einen schiffbruch leiden müft/ vñ ist folchs bald her nach geschehē/ nach dem er erwachet ist/ brach dz schiff vnd vergieng/ aber er mit groffer angst vñ not/ auch nit weniger müh vnd arbeyt/ kaum mit ettlichen feinen mit gefellen/ den er feinen troum anzeygt vñ erzölt hat/ dar uon kuñen vnd errettet worden. Also hat auch auff ein zeit einem tröumet vnd im schlaff fürkuñen/ wie er von einem verwüdet ward/ mit dem er jm für genuñen het/ des andern tags auff das geiåg zûgon/ ist auch geschehen/ dan er mit dem selbigen außgāgen ist/ vnd eben gerad an dem selbigen glid/ namlich oben in der achsel wie im traumet/ vnd in dem schlaff fürkuñen was/ von jhm ongefārd geletzt vnd verwundet worden.

Aber die gemeynen vñ natürlichen tröum/ dariñ vns die feel etwas zûkünfftigs/ verborgner vnd verdunckelter weiß/ innerlichen durch vilerley feltzamer formen vñ gefalten anzeygt (die vō natur ein weißlagerin ist) wöllen wir auff dz aller fleißigst erklären/ vnd in güter ordnung anzeygen/ erftlich/ wa her sy jhren vrsprüg/ vrfach vnd bedeütñiß haben.

Dise tröum feind einbewegūg/ werck/ vnd gedicht der feelen/ dardurch sy vns iñerlichen künfftige ding vnd zû fāl einbildet/ sy feyen vns nutz oder schad/ böß oder güt/ die vns dan in kurtzer oder langer zeit hernach widerfahren vnnd zû handen gond.

Von den alten feind dise tröum in vilerley weg vnnd
gefalt

C1^r

in diß troum büchlin.

gestalt vnderfcheyden worden/ aber fürnēlich in funfferley weitleüffige auch weitbegriffige vnderfcheyd/ als in eygne vns felbs angehōrige trōum/ dariñ wir felber etwas außrichten/ vollbringen oder würcken/ oder durch vns von einem andern außgericht vnd gewürckt wirt. Dife trōum sollen auff vns allein gedeüt vnd außgelegt werden. Die andern werden frembde trōum genant/ fo vns von einem anderen trōumet/ der vns bekant ift/ dife sollen auff den felbigen fy leyen güt oder böß gedeüt werden. Die dritten werden von difen beyden zůfamen gesetzt/ also das einem von jm felbs vnd einem andern bekanten menfchen etwas trōumet oder fürkumpt. Die vierten erfrecken sich in alle gmeyne ding/ dardurch ein ftat vnd gantzē gemeyn erhalten wirt/ als kirchen/ radtheüfer/ gericht vnd radt/ dantzheüfer/ mārckt/ plätz/ gemeyne ftraffen/ vnd der gleichen gemeyne gebew einer ftatt/ dife sollen auff ein gantzē gemeyn gedeüt werden. Aber die fünfften vñ letften begreifen in sich den gemeynen lauff der welt/ also fo vns fürküpt/ wie wir ein graufame groffe finfterniß fehen/ erdbidem/ entpörung der waffer/ Soñ vnd Mon/ vñ das gefirn verhindert oder verderbt an jrem gewonlichen fchein.

Dieweil aber dife vnderfcheydung vnd außteilüg der alten zů weitleüffig vñ weitbegriffig feind/ kan jr bedeutung nit gewißlichen zutreffen/ namlich die vnder dem ertē vnderfcheyd begriffen/ welche vns allein antreffen vnd gedeüt werden sollen/ hab ich offtmals erfahren/ das folches etwan den vatter/ etwan den fun antreffen hat.

C Als

C1^v

Einleytung

Als einē auff ein zeit traumet/ wie er in letften todts nö^zten låge vnd ftarb/ welchs nun difer meynung vñ vnder fcheydung nach der altē/ auff den felbigen allein folt gedeütet worden fein/ wie dañ gefagt ift/ ftarb jm aber in kurzem hernach fein vatter/ dañ fy beyde in leib vñ feel mitgenoffig miteinander waren. Also tröumet auch einem andern wie man jhm den kopff abfchlûg/ difem ift auch nachmals fein vatter abgefstorben/ vō welchem er das leben vñ vernunfft het/ wie der leib von dem haupt. Also begibt es fich gwonlich auch/ wa einē troumet wie er vmb fein geficht kuñ/ dem fterbē feine kinder/ wiewol follichs auff jn felber folt gedeütet werden.

Der gleichen exēpel möchtē gar vil herbey gebracht werden/ mit den frembden tröumen/ da vns von einem andern tröumt/ geht es auch also zū. Es hat eim tröumet/ wie fein vatter verbrenn/ ift aber er felbs bald hernach gefstorben/ darüb fein vatter fchwerlich beleydiget worden ift vmb den todt feines funs/ vnd fich iñerlich gefreffen vnnd verzört/ von beküñerniß/ als ob er von eim feür verbrent wurde. Darumb der maffen folche tröum von keinē der difer kunft geübt vñ erfaren ift/ außgelegt vñ erkläret werdē. Dañ wa eim tröumt d3 jm fein weib oder mütter fchwerlich krancklige/ das auch jn felbft an treffen folt. Wirt doch dardurch bedeüttet/ ringer vñ faft kleiner gewiñ feiner küft oder handthierung/ dañ ein ye de kunft dardurch fich einer erhelt vñ ernōret/ mag einer müter vergleicht werden/ die vns auch ernōret vnd auff bracht hat/ deßgleichen auch einer haußfrawē/ die weil
ein

C2^r

in diß troum büchlin.

ein yede kunft deffelbigen gätz eygen ift/ der fy kan vñ zû
feiner notturfft brucht/ wie fein Eefrawē. Alfo freündt
vñ verwädte fehen/ mag alfo gedeüttet werden/ feind fy
frölich/ bedeüttet freüd/ feind fy traurig/ bedeüttet leyd.

Es haben auch alfo offtmals die gemeynē tröum/ da
vns von vns felbft vnd von einem andern tröumet/ wel-
ches auff vns beyde folte gedeüttet werden/ yhr bedeüt-
tung vnd anzeygung auff eyn allein gehabt/ der halben
fy auch difer vnderfcheydung züentgegen angezogen
werden möchten/ durch Exempel.

Dieweil nun gemeynklich dē erftē vnderfcheyd nach/
alle tröum/ dariñ von vns alleyn etwas gehädlet wirt/
die auch auff vns alleyn vnderweilē wol warhafftig vñ
gwiß gedeüttet werden mögen/ der maffen/ wie fy von
den altē vnderfcheyden feind/ die anderen aber allfamē
zūweitleüffig vnnd weitbegriffig feind/ als wir zū theyl
gnügfam angezeygt haben. Wöllen wir doch ein ande-
re vnd gewiffere vnderfcheydung fetzen vnd anzeygen/
welche wir felbft durch langwirigen brauch/ übung vnd
erfarung am warhafftigften/ gewiffelten vnd vnbetrug
lichften gefunden haben. Alfo das alle tröum die fich nit
außtrecken auff ein andere perfon/ oder niemant dariñ
begriffen wirt/ der etwas thû/ leide oder handel/ dañ der
allein/ dem folcher troum fürkumpt/ als fingen/ lefen/ re-
den/ fpringen/ fterben/ fchwimmen/ fchätz finden/ litzen/
fchlaffen/ weynen/ lachen/ vñ der gleichen werck/ die wir
allein volbringen mögen/ follen allein auff den felbigen
gedeütet vnd außgelegt werden/ dem folchs fürkumpt.

C ij Was

C2^v

Einleytung

Was aber den leib antrifft/ als alle glider des leibs/ vñ was eufferlich zũ dem leib gehört/ als bethgewäd/ kleyder/ kiftē/ trög/ vñ anderer haußrat/ wiewol folchs auch vnfern leib betrifft/ habē sy doch gemeynglich jr bedeutung auff einen andern/ der vns am nächften ift/ nach dē vnd das selbig/ daruō vns trômet/ am nächften vñ notwendigsten ift. Also wirt das haupt gedeüt auff den vater/ der fuß auff dienftbotten/ knecht vñ māgd/ die rechte hād auff die mütter/ fñ/ brüder/ freünd/ vñ blütsuerwanten/ die linck hād auff das weib/ bñlfchafft/ mütter/ tóchter vnd fchweftern/ die heymligkeyt auff vnferē ältern vñ kinder/ die wadē auch auff dz weib vñ bñlfchafft/ also foll vō allen andern dingē auch verftāden werden.

Aber fo vns etwas von den andern leüten trômet da wir nit allein etwas würckē oder leidē/ wirt daffelbig alles fo gegen vns gehandelt wirt/ eygentlich auff vns gedeütet/ vñ also auch die andern/ wie es dañ im troum gefehen/ vnd vns fürkūmen ift. Dañ fo vns vō vnfern freunden trômet/ oder gūten günnern etwas gūts/ wirt jnen das selb zũhanden gon/ darab wir auch ein freud entpfahen werden. Jft aber der troum böß/ wirt es jnen in gleicher weiß zũhāden gon/ oder bedeut jm/ dem der troum fürkumpt/ leyd vnd bekūmerniß/ nit vmb des willen allein/ das feinen freunden übels zũhanden gadt/ funder auß eygner bekūmerniß vñ traurigkeit. Also auch wañ vns etwas fürkumpt oder trômet von vnfern feinden vnd mißgünnern/ muß das widerfpil geraten werden. Weiter von gmeynen trômen/ die ein gātze gemeyn antref

C3^r

in diß troum büchlin.

antreffen/ oder den gemeynen lauff der welt/ wie sy vorhin von den alten vnderſcheyden feind/ acht ich/ das keinē nichts tröume von denen dingen/ deren er ſich nichts annimpt/ oder vnderwindet/ auch nit vō eygnen dingē/ ſo wir vns der ſelbigen entſchlagen vnd nicht achten/ iſt auch nit wol müglich bey den menſchen/ das auß einem ſchlechten troum eins menſchē allein/ ſunderlich ſo er geringer vnd ſchwacher vernunfft iſt/ ſolche treffliche vnd weitleüffige händel ſoltē gedeütet oder anzeygt werdē. Mag auch gründtlich bewifen vnd bewärt werden/ das ſolche tröum allein auff dē ſelbigē (wie oben vō vnfern eygnen vñ ſelbs angehörigē tröumen gefagt iſt) dem er fürküpt oder erfcheinet/ ſol gedeüt vñ gezogen werden. Es ſey dañ ein König/ Fürft/ od⁹ mächtiger Herr/ welche ſich ſolcher gemeynen händel annemen vnd beladen müſſen/ jhres ampts vñ beuelchs halb/ gar vil mehr dañ der gemeyn vnuerftändig mañ/ dem wenig vertrauwet iſt/ ſonder jnen als vnfern oberherren vnnd regenten/ die vns ſchützen vnd ſchürmen/ auch täglich nach vnfer wol fart trachten ſollen.

Etliche aber haben der halben vermeynt/ das ſchlechter einfältiger leüt tröum auch ſolten auff ein gmeyn gedeüt werdē/ dieweil ſolche tröum etwā angezeigt/ nachmals alfo geſchehen vnd ergägen ſeind. Diſe haben der rechten vnderſcheydüg vnd ordenlichē teilüg der tröum nit nachgetrachtet oder geacht/ darüb jr vrteil oder außlegung nit alzeit gewiß erfunden worden iſt. Dañ von den alten/ welche diſe ding in langwiriger erfarüg vnd

C iij fleiffi

C3^v

Einleytung

fleißiger nachtrachtūg gwiß erfundē habē/ ift gar fleißig angezeigt worden/ das kein troum nimmermer der ein schlechten mañ alleyn fürkumpt/ auff ein gantze gmeyn foll gedeüt werdē/ es sey dañ sach das folcher troum von vilen miteinäder gfehen vñ jnen fürkuñen sey. Ob auch zū zeitē ein ein folcher trou für kām/ darauß sich zūer müten wer/ das er vil leütten gūts bedeütet/ mögen als dañ auch vilerley trōum anderer leüt erzōlt vnd fleißig erwegē werden/ dardurch dañ künfftige ding erlernt vñ geoffenbart werden vor jrer zūkunfft/ auß eim diß/ auß jhenem ein anders/ vnd also gar in kein weg foll ein einziger troum ein schlechten menschens allein/ auff ein gātze gmein gedeüt werdē. Er hab dañ ein befelch oder anfehens/ als ein oberfter hauptmañ ein gātzen zeügs/ oder dem funft ein regiment oder herrschūg befolhen ift.

Es ift auch fleißig warzūnemē in allen trōumē/ fun derlich die etwas glückfeligs vnd gūts bedeüttē/ was der natur/ gwonheit/ kunft/ handthierung/ vñ der zeit recht maßlig vnd gleichförmig sey/ darmit schwere irrthumb zūermeiden vnd zūentfliehen.

Die trōum werden auch weitter zū leichter verftād allgmeynklich in zween teyl geteylt oder vnderfcheydē/ in ein gemeynen garbegreiffigen teyl/ also dz etlich trōū faft lang feind/ vñ jr bedeütñiß auch lāg/ etlich kurtz/ vñ jr bedeütting auch kurtz/ etliche aber feind kurtz begriffen/ vñ haben ein läge bedeütñiß/ etliche aber lang/ mit einer kurtzen bedeütñiß/ als zū einem exempel/ hat es einem trōumet/ wie er flieg/ vnd nach feinem willen an dz felb

C4^r

in diß troum büchlin.

felb ort ku^m/ dahin er begert/ als er aber dafelbft hin k^a/ hat jn gedaucht wie er federn hab/ vⁿ mit andern fremb d^e v^ogeln v^mher flieg/ aber bald wid^o heim in fein hauß k^am. Difer ift bald hernach außgezogen/ etwas auß z^urichten/ das er jhm ernftlich fürgenom^en het/ vnnd das felbig auch nach allem feim willen vollendt/ die weil er in feim troum nach feim begeren an das felbig ort/ fo er jm fürgenommen hett/ alfo leichtlich geflogen was/ ift auch von difer reyß reich worden/ dann durch die federn wirt reicht^ub vnd die reichen bedeütet/ ift auch alfo von daⁿen on eynige ver hinderung wider heym z^uhauß k^umen. Difer troum ift lang/ vnd hat auch ein lange außlegung vnd bedeütung.

Einem andern hatt getreümet wie er guldine augen hab/ difer ift nachmals bald vmb fein geficht kummen/ da das geficht vnd gold haben gar kein gemeinfchafft miteinander. Difer troum ift faft kurtz/ hat auch ein kur tze bedeütung.

Einem andern hat weiter tröumet/ wie er feinen eyg nen na^men vergessen vⁿ verloren habe/ Difem ift nit al lein kurtzlich hernach fein fun geftorben/ daran er einen k^oftlichen fchatz vnd eygenthumb/ das jm faft lieb was/ verlure/ funder v^m des na^mens will^e/ da er ward auch mit dem na^men feins vatters geneⁿet/ wie der troum be deüt/ den er im fchlaff verloren het/ darz^u ift er vmb all fein hab vnd g^ut k^umen/ darumb er im rechten vor dem Richter hädlet/ vnd aber daffelbig verlor durch das vr^utheyl/ das wider jhn gefprochen ward/ derhalben er ent^u

C iiij weichen

C4^v

Einleytung

weichen vñ entlauffen muß/ das jhn so schwerlich bekū
 mert/ vnd so hefftig anlag/ das er verzweifelt/ vnnd sich
 felbs erhēckt/ dadurch er erft gāt3 vnd gar vñ feinē nam
 men kūmen ist/ wie jm trōūpt hat. Dañ allein dife leüt/
 welche jhnen selbft den todt angethon hettē/ wurdē bey
 den alten vnfern vorfarē nit vnder d3 geschlecht oder sip
 schafft gezōlt/ vff das der schāden mit der zeit vergessen
 wurd/ darumb er gantzlich vmb feinen nammen kūmen/
 vñ fein gar vergessen worden ist. Difer troum ist an jhm
 felbs fast kurtz begriffen gewesen/ aber seine bedeutung
 hat sich gar weit erftreckt. Dañ aller difer vnfall ist jm
 bedeutet worden durch difen troum/ das er feinē eygnen
 namēn verloren oder vergessen hab/ wie dañ ein yeder
 felbs leichtlich abnehmen vnd ermessen kan.

Es hat auch auff ein zeit einem trōūmet/ wie er feinen
 mitgefellen spilen sehe mit einē frembden mit würfflen/
 vñ gewiñen/ als aber der frēbd vil verloren het/ vnd ver
 merckt/ das es jhm difer von hertzen gūñet/ ist er über jn
 erzürnet/ vnd mit jhm in ein hader kumen/ aber difer
 ist jm entrunnen in fein herberg/ vnd dafelbft hat er die
 thür vor jm verschlossen vnd verriglet. Als aber der spi
 ler nit zū jm mocht/ hatt er also wider hinweg gon müß
 fen/ hat aber difen bedacht wie jm ein grūnes zweiglin
 auß dem einen schenckel oder hufft wachß. Jft als bald
 hernach ein theyl des gebews von dem hauß/ welchs fast
 alt vnd bawfellig was/ nider gefallen/ vñ jm von einem
 trom die hufft zerfchlagen wordē/ vñ dadurch erlañet/
 dañ durch d3 spil der würffel ward jm der todt bedeutet/
 das

C5^r

in diß troum büchlin.

das er aber dem frembdē fpiler entran/ das er in nit ver-
letzen oder schädigen mocht/ bedeüttet jm/ das er auch
dem todt entfliehē vnd daruō komēn wirt/ aber durchs
kraut oder grūn zweiglin das jm auß der hufftē wuchß/
ward jm bedeüttet/ das jm der selbig schēckel oder hufft
zum gang verderbt/ vnd vngebreüchlich würde/ erlāpt
vnnd vnentpfündlich/ gleich der erden/ auß welcher al-
lein kreütter vnd grūne zweiglin wachsen/ also ward di-
sem durch ein langen troum ein kurtzer vnfall mit wenig
worten bedeüet vnnd offenbaret.

Durch den andern gemeyneren teyl difer letsten vn-
derfcheidūg/ werden alle trōum auch in vier teyl gethey
let/ als in gantz gütte glückfelige trōum/ die iñerlich vn-
eüfferlich güt feind/ vnnd in böse erfchröckliche trōum/
die innerlich vnd eüfferlich böß feind/ vnnd in trōum die
innerlich güt/ aber eüfferlich böß feind/ vn in die letsten/
die eüfferlich güt/ aber innerlich böß feind.

Durch das iñerlich wirt verftāden der troum/ geficht
oder erfcheinūg an yhm selbft/ aber eüfferlich die bedeüt-
tung/ außlegung vnd zufall desselbigē. Dann so einem
fürkumpt oder trōumet/ wie er gottfelige heylige fromē
perfonen sehe frōlich vn gūts müts sein/ etwas gūts vns
sagend oder reychend/ sy selbft oder yhr bildtniß von be-
ftändiger werhaftiger materi gemacht/ oder feine äl-
tern/ gütte freünd vnd verwandten knecht vn dienstbot-
ten/ von welchē der pracht vn die zierd des haußgefīnds
gemehret würd/ oder leipliche krefft vnd ftercke vnd der
gleichen tugent/ mechtig in jm selbft befinde. Dife ding

C v feind

C5^v

Einleytung

feind vns faft anmüttig vnd wolgefällig/ fo fy vns im
 ſchlaff fürkuͤmen oder erſcheynen/ aber noch vil anmüt-
 tiger vñ wolgefälliger an jnen ſelbft/ fo wir fy eufferlich
 an vns befinden oder innen werden. Aber das einen be-
 duncket wie er gählingē von einer graufamē hōhe über
 ftürtz/ vnd heraber fall/ oder iñ die hānd der mōrder vnd
 reüber fall/ kranck ſey oder funft etwas verlier/ darauff
 er ſeinen ſiñ vñ fleiß gefelt hat/ oder ym vō hertzen lieb
 iſt/ wie dañ vnſer gmūt gliñet iſt in ſolchen trōumen vnd
 glichtē/ d⁹ maſſen wirt auch ſolcher zůfall vns begegnen.
 Der gleichē feind auch andere trōū/ etliche faft erſchrock
 lich vñ graufam an jn ſelbft/ bedeüttē aber vnderweilen
 etwas gūts/ deß gleichē andere bedückē vns faft gūt/ ha
 bē aber ein böſe vnglückhaftige bedeütniß vñ erklärūg.

Ob auch einem etwas hefftig angelegen were/ vnd er
 aber begert durch einē troum die warheyte ſeins fürnem
 mens zůerfahren mit inniger vnd ftäter nachtrachtung/
 kumpt jhm dañ gerad das ſelb für/ das er im ſiñ vnd ge-
 dancken hat/ iſt gar nichts darauff zůhalten/ dieweil ſol
 lichs allein ein ermanung zů des gemūts/ wie auch klār-
 lich zů anfang diſer vnderrichtūg anzeygt iſt/ funder ſo
 einem frembde ding/ vnd vil andere fürkuͤmen/ darnach
 er weder gliñet noch gedacht hat/ darauß mögē gewiß
 lich vnd warhaftig/ künfftige ding vnd zůfall erlernen/
 erfahren/ vnd geoffenbart werden.

Es iſt auch funderlich nit zůachtē/ was zeit oder ftun-
 den vns ſolche trōum/ erſcheinungen oder geſicht für-
 kuͤmen/ dañ es iſt nit vil daran gelegē/ vñ gilt ebē gleich
 es ſey

C6^r

iu diß troumbüchlin.

es sey tags oder nachts/ abends oder morgēs/ allein das der menſch nüchtern/ in gûter vernunfft vñ verftād/ mit keinerley ſpeiß oder träck überfüllet oder überladen ſey dañ die überige völle des abends/ vns auch des morgens verhindert vñ vngeſchickt macht/ rechte gewiffe trôum oder geficht zûfehē/ wiewol die ſelbig zeit morgēs gegen tag/ die aller beſt vñfüglichſt von etlichē gehaltē wirt.

Weiter ſo iſt auch ſalt nutz/ vñ gentlich von nôten/ nit allein dem ſelbigē/ der ſolche gſicht gefehē/ oder ein trou fürkuñen iſt/ funder dem der ſolchs warhafftig außlegē vnd erklâren will/ das er eygentlich wiß/ wer er ſey/ w3 er hädle/ oder treib/ was ſtands er ſey/ auch in welchem alter/ vnd hernach den gantzen trôum eygentlich erweſſe/ ge/ dañ durch ein kleyne zûthûung oder abbruch mag d⁹ zûfall/ welcher durch den troum bedeüt wirt/ weit geän dert werden/ dardurch ein falſch vrteyl oder außlegung erwachſen wirt.

Darmit aber ein yeder verftändiger leichtlich warhafftig/ gewißlich vñ on allen betrug/ ein yeden troum/ geficht/ erſcheinung vnd der gleichen nâchtliche fürkumung/ ſelbſt erklâren/ außlegen vnd durch jhre bedeütung künfftige ding erlernen vnd offenbaren mög/ wôlen wir allerley trôum/ vilerley weiß vnnd gſtalt/ wie ſy dem menſchen fürkuñen mögen/ erklâren/ außlegen vñ deütten/ wie wir ſolchs durch gwiffe kûft/ langwirige erfahrung/ ſchapffinnige vnd fleißige nachtrachtûg/ von vilen menſchen in mācherley landts art/ erfahren/ geübt vnd gebraucht haben.

Genef.